


佛本行集經

才三十七

二百九十九  
所七

49742

11



5

隋天竺三藏法師闍那崛多譯

富婁那出家品第四十

尔時憍薩羅聚落去迦毗羅婆蘇都城邑其  
間不遠有一村陌彼村有一大婆羅門為淨  
飯王作於國師其家巨富多饒財寶乃至屋

宅猶如北方毗沙門天官殿無異彼婆羅門

有於一子名富婁那弥多羅尼子

隋書滿極

大端正可喜少雙為諸衆人之所樂觀巧智

聰慧細意細心能誦一切韋陀論徹既自解

已復能教他具解三種韋陀舊解尼乾陀論

耶耨婆論解破字論只能宣說往昔諸事五

明之論一句半句一偈半偈皆能分別亦復  
通解受記之論於世辨中悉皆具解六十種  
事有大人相

淨飯大王悉達太子當生之日其彌多羅尼  
子亦共同時而生彼人本性厭離世間志求  
解脫於煩惱中恒有驚怖心常寂定往昔已  
曾見諸佛來彼諸佛邊種諸善根作多福業  
熏習其心志涅槃門不樂煩惱於一切有諸  
生死內皆悉遠離已作於行諸纏壞爛取因  
爲力至成熟地到聖法故

時富婁那獨坐思惟我父旣爲輪頭檀王而  
作國師須多經營備多種伎藝王法中代王

斷事又復其兒悉達太子決定與彼輸頭檀  
王一種無異應當必作轉輪聖王我父若無  
我身決定與彼悉達轉輪聖王而作國師我  
父既爲小王國師今以如是無暫閑時况復  
欲作轉輪聖王大國之師普於國內辯事有  
閑終無是處我今預前當作何事當作何計

我今唯有捨家出家

時富婁那如是念已當菩薩夜出家之時夜  
半嘿然不諮父母共其朋友足三十人從家  
而出遙往至於波梨婆遮迦法之中請乞出  
家居在雪山苦行求道彼等諸人勇猛精進  
不暫休息其三十人一時成就獲得四禪并

及五通

時富婁那苦行仙人自思惟言我今應可內  
自觀察悉達太子受聖王位時節至未而富  
婁那以天眼觀覩見世尊在波羅捺鹿野苑中  
證得無上阿耨多羅三藐三菩提已轉無上  
微妙法輪為諸天人分別說法見已即至諸  
朋友邊而告之言汝等今可生歡喜心作大  
踴躍今彼悉達大聖太子出家已證無上菩  
提已已轉無上清淨法輪

世尊今日現在於彼波羅捺城鹿野苑內為  
諸天人說法開示汝等今可共我相隨至於  
彼邊行於梵行是時彼等諸朋友輩歡喜報

言仁語善也我等順從

時富婁那苦行仙人舉身即共三十朋友從  
雪山下飛昇而行猶如鴈王騰於虛空至波  
羅捺鹿野苑下往詣佛邊到佛所已頂禮佛  
足以兩手執世尊之足摩娑頂戴舉頭以口  
鳴如來足起於佛前胡跪以偈讚嘆佛言  
昔在兜率陀天上  
託身欲入摩耶胎  
如妙蓮華不著水  
彼母受樂無量歡  
唯行善行捨諸惡  
歡喜踴躍不知厭

正念化作白象形

來至釋種家作子

在於母胎不汙身

不貪五慾唯樂法

觀尊在胎如鑄金

看不知足更復觀

尊在胎內常說法

諸天人起慈悲心

皆悉歡喜飲法膏

世尊初生發妙語

我脫衆生生死苦

右脇出已七步行

無畏猶如師子王

我是如來終滅苦

世尊初生浴池水

水不冷煖弥岸平

浴訖塗香莊嚴身

空中自然蓋拂現

世間希有見此事

是故我等頂禮尊

說是偈已富婁那等若干仙人舉聲從佛乞

求出家如是白言唯願世尊哀愍我等我等

心願欲得出家慈悲怜故度脫我等

尔時佛告富婁那言汝富婁那今可速起當

隨汝意我與汝等從心所願時富婁那得如



來聽其出家已乞受具足及其朋友二十九  
人彼長老輩既得出家受具戒竟未久之間  
各各用心獨卧獨行獨坐獨立勇猛精進行  
坐空閑阿蘭若處各各別行用心謹慎不曾  
放逸恒住空閑時節不久若善男子求大利  
故正心正信捨家出家爲欲求於無上梵行  
已盡欲邊見諸法相欲修諸通即證彼法已  
斷諸生得梵行報所作已訖不受後有彼等  
一切諸長老輩既證知已悉成羅漢以心善  
得一切解脫皆成大德一切皆悉能作大事  
利益衆生余時世尊告諸比丘作如是言汝  
等當知說法人中最第一者即此富婁那弥

多羅居士是也而有偈說

世尊在於波羅捺

微妙語告諸眾言

此是滿足真比丘

說法人中最第一

今時世間一切合成九十一阿羅漢謂佛世

尊并五比丘長老耶輸陀及耶輸陀波羅捺

國同時所生有四朋友最勝長者勝中復勝

諸善男子謂毗摩羅善辭滿足并及牛主又

耶輸陀在家估客行賈商人五十朋友次善

男子長老富婁那弥多羅居士并及知舊二

十九人

佛本行集經那羅陀出家品第四十一

今時閻浮南天竺地有一國土名阿般提彼

國土中有一聚落名獠猴食其聚落內有一  
巨富婆羅門姓大迦旃延其家多有資財珍  
寶奴婢六畜穀麥豆麻屋宅園林種種豐足  
乃至如彼毗沙門宮無有殊異彼婆羅門聰  
明智慧讀誦受持三韋陀論博通諸物一事  
十名唵輒婆等文句句字論往昔過去一切諸  
事五明之論知句半句分別世間諸受記論  
及六十種大丈夫相皆悉具足讀誦通知與  
嚴熾王作國大師時彼國師大婆羅門第一  
長子辭家遊歷他國學問不知猷足處處尋  
師具解諸論伎成就已還歸本家旣奉見父  
即諮曰言善哉阿耶我今學問種種通達爲

我聚集一切大眾我欲誦出韋陀論等及諸  
伎能父聞歡喜即為集眾見見人集即在眾  
前所誦一切韋陀論等及諸伎能皆不隱蔽  
悉並誦出而彼大眾即便共遵彼國師子推  
為上座其父即將種種珍寶而供養之時彼  
國師大婆羅門復更有第二之子名那羅  
陀隋言不叫其父告彼第二子言汝那羅陀今可  
捨家出至他國受學誦習韋陀諸論令如汝  
兄而那羅陀童子之兄當誦一切韋陀論時  
其那羅陀一聞即便一切受持時那羅陀聞  
此語已即白父言善哉阿耶我已通解一切  
韋陀及呪術等阿耶今可為我聚集一切大

衆我於衆前誦諸韋陀及以伎能其父聞子如是語已心生希有即集大衆集大衆已諸種安置時那羅陀在大衆前誦諸韋陀一切論等

尔時大衆聞已各各心生歡喜讚嘆彼言善哉善哉大智童子快能誦習諸韋陀論其父復將種種財寶以用供養

尔時長兄聞弟誦通一切諸論心生苦惱作如是念我無量年遊歷諸國學習種種所誦呪論心慮煩勞方始誦持諸呪術得其那羅陀去何聞已皆少時間受持淨遍而其少年尚得如是若後成長定必應當作王國師以

是因緣我須方便除滅其躰如是則我得成  
大利若不然者終奪我位

尔時其父知自長子内心如是於那羅陀私  
生惡念既覺知已作是思惟我此小兒聰慧  
可憐勿令爲兄之所奪命作是念已應須方  
便莫令其知

尔時南方有一城名優禪耶尼去城不遠有  
頻陀山其山中有一老仙人名阿私陀在中  
居住彼仙洞解一切韋陀并及諸論以得四  
禪具五神通是那羅陀童子外舅是時國師  
大婆羅門并及其婦即將其子那羅陀身往  
彼山中對共付囑阿私陀仙以爲弟子其阿

私陀既受領得那羅陀已教照顯示不久成就獲得四禪具五神通

尔時梵志阿私陀仙將其弟子那羅陀身即出山向波羅捺城即於城外造立草菴在中居住晝夜六時作如是聲唱言善哉善哉汝那羅陀佛今出世

三如是稱

汝應彼邊剝落

出家修行梵行必當長夜大得利益大得快樂自利身已復應利他

尔時彼老阿私陀仙作如是語教其弟子那羅陀已不經多時而取命終阿私陀仙命終之後時彼梵志私陀仙人所有世間利養名聞悉是弟子那羅陀得時那羅陀以世利養

名聞多故貪戀著心無有正念更不作想求  
覓勝上不信有佛有法有僧

尔時海内伊羅鉢

隋言霍香葉

王既受龍身心生

獸離欲求解脫不樂於彼穢濁惡想而作是  
念往昔世尊迦葉如來多陀阿伽度阿羅呵  
三藐三佛陀親授我記汝大龍王從今已去  
過若干年若干百年若干千年若干百千年  
過若干百千万億年當有一佛出現於世号  
釋迦牟尼多陀阿伽度阿羅呵三藐三佛陀  
而今已過如是無量無邊億數百千万年叵  
有彼佛釋迦如來出世以不尔時復更有一  
龍王名曰商佉

隋言螺

彼龍王宮常有無量龍



衆聚會而彼會處多諸龍王百千雲集伊羅鉢龍亦在彼宮是時有一夜義之王名曰金齊與伊羅鉢龍王善友亦在彼龍衆會中坐亦時伊羅鉢龍王即於衆中告夜義王作如是言仁者汝今頗知世間釋迦如來多陀伽度阿羅呵三藐三佛陀出現世未是時夜義報龍王言大善龍王我實不知釋迦如來出現以未雖然龍王但我今知彼曠野中有於一城其城本是夜又宮殿名阿羅迦槃陀隋言曠野宮殿彼城先來有二偈文而彼偈去若無有佛出現世間終無人能讀此偈者設復有讀亦不能解此之偈意若當有佛出現世

即得讀知無人解義唯有如來多陀阿伽  
阿羅呵三藐三佛陀能說此義或有從佛聞  
而得解

尔時伊羅鉢龍告彼夜叉王如是言仁者汝  
今可往至彼讀取彼偈得來以不是時金齊  
夜叉之王從伊羅鉢龍王邊受如是言已即  
便往至彼阿羅迦槃陀宮殿受讀彼偈得已  
速疾還向伊羅鉢龍王邊到已即白伊羅鉢  
言大善龍王今日應當心生歡喜所以者何  
釋迦牟尼多陀阿伽度阿羅呵三藐三佛陀  
大聖如來今已出世何以得知遂能令我得  
讀彼偈我已受持彼偈將來若有人能解

偈意復能宣說即應當知此是真佛。爾時便  
羅鉢龍王心大歡喜踊躍遍身不能自勝。即  
從金齊夜叉王邊受取彼偈。

爾時商佉龍王有女名曰常分。端正可喜。最  
上華色。衆人所愛。世無有雙。

爾時彼會諸龍王等作如是念。我今應當至  
月八日。十四。十五。或二十三。及二十九。并三  
十日。將好金器。滿盛銀粟。於銀器內。滿盛金  
粟。將此龍女。莊嚴其體。以妙種種瓔珞。嚴身  
從此龍宮。出置於彼恒河岸上。著於露地。說  
此二偈。以示衆人。

在於何自在。染著名爲染。彼去何清淨。

云何得癡名

癡人何故迷

云何名智人

何會別離已

名曰盡因緣

時彼龍王說此偈已遍告一切諸世間言若有能解誦此偈者我等即當以此金銀盛滿粟等并及龍女持用布施即取被人作於佛想若當有人傳從他聞來為我說亦然布施時高佉王及伊羅鉢諸龍王等欲見世尊渴仰世尊思遲世尊恒以白月黑月八日十四十五將好金器滿盛銀粟於銀器內復盛金粟及彼龍女種種嚴身將至恒河岸上安置住於陸地彼二龍王相與而說此二偈言在於何自在乃至盡因緣復作是言若有人能

解此偈義我等將此二器金銀并及端正可  
喜龍女以用布施而彼龍王說於此事聲聞  
八方所有山林或復在水或在陸地或婆羅  
門或復長者各相謂言白月黑月恒以六日  
彼二龍王從水而出將於二器盛金銀粟及  
一龍女瓔珞嚴身從恒河出在岸某方陸地  
住立說此二偈  
在於何自在乃至盡因緣作如是語若有人  
能讀解此偈我等將此二器及女而布施彼  
時婆羅門及長者等從二龍王聞如是語悉  
從八方竟來集會彼龍王處各自唱言我能  
讀解此之二偈及至龍邊讀偈不得又不解

義或復有人讀此偈已反還問彼二龍王言  
此偈何也復問此偈其義云何

時那羅陀童子仙人居住在於摩伽陀國爲  
諸人民而作師導彼國男女尊重供承讚嘆  
歌詠那羅陀仙各相謂言此摩那婆自旣知  
已復教他知自旣見已復教他見是時彼國  
摩伽陀內所有人民作如是念此那羅陀仙  
聖童子旣自知見教他知見我等於彼二龍  
王邊聞斯二偈無人能誦無人能答我等今  
可至那羅陀童子仙邊到已應說如此之事  
作是念已摩伽陀國諸婆羅門及長者等即  
便往至那羅陀仙童子之所到已詳共白那

羅陀童子仙言仁若知時恒河岸上有二龍  
王一名商佉二名伊羅鉢常以白月黑月六  
日從恒河水出於陸地將金銀器盛粟及女  
乃至誰能解此偈義即施與彼說此二偈偈  
云在於何自在乃至盡因緣  
今時那羅陀仙人童子作是思惟我今既為  
此摩伽陀國內人民作於尊師此之人民皆  
供養我尊重承事欽仰於我又復謂我自  
知見已轉能教他我今若於是人民前言我不  
解此二偈義此之人民即毀辱我一切利養  
名聞闕少我皆失之作是念已即便告彼摩  
伽陀國諸婆羅門大長者等作如是言我共

汝等一時往詣二龍王邊請說二偈尋取其  
義尔時童子那羅陀仙共摩伽陀長者人民  
婆羅門等左右圍遶推那羅陀童子仙人最  
為上首向二龍邊到已告言二大龍王願為  
我等說於二偈我得聞已思惟取義尔時商  
佉二龍王等即為彼仙說二偈云在於何自  
在乃至盡因緣

尔時童子那羅陀仙告彼二龍作如是言我  
今於汝二龍王邊受此二偈從今已去過七  
日外當來汝邊答報偈意時彼二龍白那羅  
陀童子仙言如仁者教作如是事

時那羅陀從二龍王受得偈已還向本處時



摩伽陀一切人民憍薩羅國一切人民及鳩  
留國般遮羅國諸人民等傳聞童子那羅陀  
仙從商佉龍井伊羅鉢二龍王邊受持二偈  
謂言從今去出七日還來到此說一偈義而  
彼人民駕諸雜乘所謂象車馬車牛車及步  
人等相與雲集

尔時恒河此彼兩岸有於八万四千眾類  
然集聚皆共欲聽那羅陀仙及二龍王解說  
偈時時波羅捺居住在城有諸六師各自稱  
言我是尊者所謂富蘭迦葉摩薩迦梨瞿奢  
梨迦阿耆多祁奢迦摩羅波羅浮多迦遮耶  
那刪闍夷毗羅師誰富多羅尼羅軋他若祁

富多羅等

時那羅陀童子仙人即便向彼諸六師邊欲  
問偈義到已即問此二偈意而彼六師既不  
能解此偈義意更復增上於仙人邊起瞋恚  
心還反問於那羅陀仙作如是言此之二偈  
有何意也

余時世尊初證正覺居住在彼波羅捺城鹿  
野苑內舊仙人林時那羅陀童子仙人自心  
如是思惟念言此沙門在波羅捺城鹿苑舊  
仙所居林內我今可向彼邊借問此二偈意  
復重思惟自餘沙門及婆羅門耆年大德堪  
爲一切國王作師久來出家所謂富蘭迦葉

乃至左軋他若祁富多羅等我至彼邊問此  
二偈猶不能解況復如此年少沙門生來未  
久出家始尔我問於此二偈之意彼詎能答  
更復思惟年少沙門或婆羅門不可輒輕所  
以者何或彼年少沙門之人或婆羅門亦有  
聰明快智慧者我今但可往詣於彼大沙門  
邊問此偈義

尔時童子那羅陀仙即詣佛邊到佛所已共  
佛相瞻慰喻面欵種種善言巧語談話訖已  
即便却一面坐其那羅陀摩那婆仙一面坐  
已即白佛言大德尊者沙門瞿曇我欲諮問  
尊者一義未審尊者許我以不是時佛告摩

那婆言汝摩那婆隨所有問我當為解時那  
羅陀摩那婆仙得佛許已即便說偈而問佛言  
在何自在王 染著名為染 彼云何清淨  
云何得癡名 癡人何故迷 云何名智者  
何會別離已 名曰盡因緣  
尔時世尊聞彼說已即還以偈答那羅陀摩  
那婆言

第六自在故

王染名曰染

無染而有染

是故名為癡

以沒大水故

故名盡方便

一切方便盡

故名為智者

尔時童子那羅陀仙從佛得聞如是偈已心  
意開解生大歡喜踊躍遍身不能自喻聞已

即便奔走往詣彼商佉所及伊羅鉢二龍王  
邊到彼二大龍王邊已即便告彼二龍王言  
汝等龍王說偈問我時二龍王依以二偈問  
那羅陀童子仙言在何自在王乃至盡因緣  
尔時童子那羅陀仙還以二偈答龍王言第  
六自在故乃至名為智

尔時伊羅鉢龍王聞此偈已心作如是思惟  
念言我今已得無上世尊我今已得勝修伽

陀我今已知世尊出現知修伽陀大聖世尊  
今為我生為我出世為我覺悟

如是  
再稱

時伊羅鉢二大龍王如是念已白那羅陀摩  
那婆言仁摩那婆實為我說此是仙意自辯

才力為從他聞而解此義仙摩那婆我實不見今世間中及以天上若有沙門婆羅門等或天或人能自辯才達是二偈能自說者無有是處唯除如來無上世尊或佛沙門從彼等邊聞而方辯

爾時童子那羅陀仙即便以偈告伊羅鉢二

龍王言

如龍王說非我辯

大聖世尊已出興

諸相具足在嚴身

彼能如是辯才說

爾時伊羅鉢龍王即還以偈白仙童子那羅

陀言

大仙言是佛語者

為當睡卧夢裏聞

若是分明對面承

唯願仁今重讚說

今時童子那羅陀仙依所覩見即更以偈答  
龍王言

天人自在大丈夫

今居波羅鹿苑內

既轉無上法輪已

猶如師子吼勝林

今時伊羅鉢龍王復更以偈白那羅陀童子

仙言

仁今所言佛世尊

我不聞久今聞說

既聞與仁相共詣

觀彼希現難思議

昔覩今復得重觀

正覺如來諸相好

今日始更出現世

難值猶若優曇華

經歷多時乃一興

清淨猶彼空中月

諸相具足莊嚴體

正覺最上勝菩提

久遠曠絕不聞聲

清亮猶如梵音響

若諸衆生得聞者

從佛得入解脫門

尔時伊羅鉢龍王說偈讚嘆佛世尊已復更  
重白那羅陀仙作如是言那羅陀仙仁言佛  
也時那羅陀摩那婆仙荅龍王言我言佛也

梵本再問再荅

龍王復言那羅陀仙如此明師出世甚難所  
謂彼佛佛世尊也那羅陀仙彼阿羅呵三藐  
三佛陀今在何方

時那羅陀摩那婆仙即整衣服偏袒右肩合  
十指掌向佛在方示龍王言汝等龍王若欲



知者彼佛如來多陀阿伽度阿羅呵三藐三  
佛陀今在某方

時伊羅鉢龍王知佛處已即整衣服偏袒右  
肩右膝著地向佛所在合十拍掌三稱此言  
南無世尊多陀阿伽度阿羅呵三藐三佛陀

如是  
三說

時伊羅鉢龍王白那羅陀童子仙言摩那婆  
仙相隨共向彼世尊多他阿伽度阿羅呵三  
藐三佛陀所禮拜供養時那羅陀報龍王言  
善哉龍王我等共去

時伊羅鉢并及商佉二大龍王自餘無量諸  
龍眷屬那羅陀仙摩那婆等八万四千諸衆

生輦欲向佛所

尔時伊羅鉢龍王作是思惟我今若以變化之身見於佛者此我不善我今宜以自許報身往見世尊

尔時伊羅鉢龍王至其龍宮以自報形而欲見佛從北天竺特叉尸羅城向波羅捺國強有三百六十由旬時彼龍王出欲見佛其頭已至佛世尊所而尾猶尚在自本宮而彼龍頭其狀猶如獨樹造船其項猶如象鼻放水耳目猶如橋薩羅國銅鉢之器口出光炎猶如重雲出於閃電氣息作聲如雲雷鳴作伽荼伽荼聲而彼八万四千衆類一切悉隨伊

羅鉢行而伊羅鉢遙見如來極大端正光相  
非常心生歡喜乃至猶如虛空中星莊嚴顯  
赫既覩見已向於佛邊生清淨心正信之心  
踊躍喜歡進向佛所

尔時出尊既遙覩見伊羅鉢龍漸漸而來見  
已告言善來善來伊羅鉢龍王經歷多時不  
相見王今身體安隱以不少病少惱及言  
眷並無疾耶

佛本行集經卷第三十七

所

啞 上音義作啞 轉 上音義作轉 商 上音古下 終

奪 下徒反 匡 下天反 閃 天反 電 天反 闕 然 然 上昌天 刪 安所

若 下上而者 邪 下上而者 詎 巨音 面 欵 若 下苦 清 下力 亮 下力

天若祗下止而者天詎巨面歎善若清亮向下力



